



Број: 01/4-50-3-4-37/16
Сарајево, 30.11.2017.

Z A P I S N I K

37. sjednice Komisije za finansije i budžet Predstavničkog doma Parlamentarne skupštine BiH, održane 29.11.2016., od 12,00 do 13,10 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Aleksandra Pandurević, Dušanka Majkić, Amir Fazlić, Jasmin Emrić, Mirsad Isaković i Damir Bećirović.

Sjednici su, također, prisustvovali: Milana Popadić, pomoćnica ministra pravde BiH, Sanja Jokić, sekretarka Ministarstva, Saša Marić, savjetnik ministra finansija i trezora BiH, Halida Pašić, šefica Odsjeka za pripremu budžeta u Ministarstvu finansija i trezora BiH, Samir Mušović, savjetnik, Karlo Holub i Elma Muratović, saradnici u USAID SGIP, Nejra Neimarlija-Roić, saradnica Instituta za razvoj mladih KULT, Maja Ribar, politička savjetnica u EUSR-u, Jelena Despot, politička savjetnica u OHR-u, Marin Vukoja, sekretar Predstavničkog doma Parlamentarne skupštine BiH, Robert Vidović, sekretar Komisije za finansije i budžet Doma naroda, Aida Kreho, stručna savjetnica za zakonodavno-pravna pitanja i pravo EU u Zakonodavno-pravnom sektoru Sekretarijata PSBiH, Jovica Katić, stručni savjetnik za informiranje u Sektoru za odnose s javnošću Sekretarijata PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su također prisustvovali i predstavnici medija: Hana Imamović, novinarka FENE, Nevenko Erić, novinar SRNE, i Željka Domazet, novinarka Glasa Srpske.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Razmatranje Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine – druga komisijska faza (predlagač: Vijeće ministara BiH);
2. Razmatranje Prijedloga zakona o Budžetu institucija BiH i međunarodnih obaveza BiH za 2017. godinu - prva komisijska faza (predlagač: Predsjedništvo BiH).

Dnevni red 37. sjednice Komisije usvojen je jednoglasno.

Ad.1. Razmatranje Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine – druga komisijska faza (predlagač: Vijeće ministara BiH)

U uvodnim napomenama predsjedavajući Komisije istakao je da je Predstavnički dom na 37. sjednici, održanoj 9.11.2016., razmatrao i usvojio Prijedlog zakona u prvom čitanju, te da je na sjednici Komisije, u skladu s Poslovnikom, na Prijedlog zakona amandman uložio poslanik Predrag Kožul.

Komisija jednoglasno prihvatila Amandman I. Predraga Kožula koji glasi:

Amandman I.

U Prijedlogu zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine član 6. briše se.

Član 7. postaje član 6.

Potom je Komisija, sa osam glasova „za“ i jednim glasom „suzdržan“, prihvatila Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine sa usvojenim amandmanom u drugoj komisijskoj fazi.

Ad.2. Razmatranje Prijedloga zakona o Budžetu institucija BiH i međunarodnih obaveza BiH za 2017. godinu - prva komisijska faza (predlagač: Predsjedništvo BiH)

Prijedlog zakona o Budžetu institucija BiH i međunarodnih obaveza BiH za 2017. godinu obrazložio je Saša Marić, savjetnik ministra finansija i trezora BiH.

Potom je Komisija, s tri glasa „za“ i pet glasova „protiv“, nije prihvatila prijedlog Dušanke Majkić da se odgodi rasprava o Prijedlogu zakona o Budžetu institucija BiH i međunarodnih obaveza BiH za 2017. godinu, jer sjednici Komisije ne prisustvuje predlagač Prijedloga zakona.

Također, Damir Bećirović zatražio je da se u zapisnik unese „da ne postoji formalno-pravni osnov da Komisija za finansije i budžet Predstavničkog doma na 37. sjednici razmatra Prijedlog zakona o Budžetu institucija BiH i međunarodnih obaveza BiH za 2017. godinu.“

Potom je predsjedavajući Komisije otvorio raspravu u kojoj su učestvovali: Aleksandra Pandurević, Salko Sokolović, Predrag Kožul, Dušanka Majkić, Damir Bećirović, Jasmin Emrić, Sanja Jokić, sekretarka Ministarstva, i Saša Marić, savjetnik ministra finansija i trezora BiH.

Nakon rasprave, Komisija je, s pet glasova „za“, tri glasa „protiv“ i jednim glasom „suzdržan“, prihvatila principe Prijedloga zakona o Budžetu institucija BiH i međunarodnih obaveza BiH za 2017. godinu.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 37. sjednice Komisije za finansije i budžet PDPSBiH.